



Publicaziuns officialas dils 24-05-2019

Damondas da baghegiar

Nr. 45/2019

Datum da publicaziun: 24-05-2019
Patrun: Vischnaunca Sumvitg, 7175 Sumvitg
Representant: Biro d'inschignier Deplazes, 7173 Surrein
Liug e parcellas: Alp Naustgel; 8037
Object: niev baghetg annex vid la stalla dall'alp Naustgel

Nr. 48/2019

Datum da publicaziun: 24-05-2019
Patrun: Pelican Myriam e Robert, 7173 Surrein
Liug e parcellas: Plazzas; 1257
Object: construcziun d'ina garascha

Nr. 49/2019

Datum da publicaziun: 24-05-2019
Patrun: Monn Eugen e Rita, 7175 Sumvitg
Liug e parcellas: Cabotsch; 4850
Object: spazzar e reconstruir baghetg annex ed erecziun d'in plaz da seser

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 24-05-2019

Cumissiun da baghegiar

Radunonza da vischnaunca

La proxima radunonza da vischnaunca ha liug mardis, ils 11 da zercladur 2019 allas 20.00 uras a Surrein.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 01-05-2019
4. Rendaquen 2018
5. Rapport dils revisurs ed approvaziun dil quen annual 2018
6. Revisiun totala dil reglament recepziun da burgheis (DC 015.000)
7. Elecziun da 2 commembers per il cussegl da scola dil Consorzi da scola Sumvitg-Trun
8. Tractaziun ed approvaziun dalla revisiun parziala dil plan general d'avertura loipa Falens - Pardomat
9. Tractaziun ed approvaziun dil project dislocaziun dalla loipa Plaun Petschen – Pardomat Dado e concessiun dil credit brut da 170'000 francs

10. Orientaziuns

11. Varia

Dils documents tier las tractandas 6-9 sa vegnir priu investa sin canzlia communal duront las uras da spurtegl.

Sumvitg, 24-05-2019

Suprastonza communal

Exposiziun da recuors planisaziun locala

Sebasond sin art. 48 alinea 4 dalla lescha cantunala da planisaziun (LPTGR) ha l'exposiziun da recuors pertuccont la revisiun parziala dalla planisaziun locala dalla vischnaunca Sumvitg decidida dalla radunonza communala digl 1. da matg 2019 liug.

Project:	Revisiun parziala planisaziun locala
Acts d'exposiziun:	<ul style="list-style-type: none">- rapport da planisaziun e cooperaziun- revisiun parziala plan d'avertura, Igniu-Rabius, 1:2'000- revisiun parziala plan d'avertura, Laus, 1:2'000
Cuoz da publicaziun:	24 da matg entochen ils 24 da zercladur 2019 (30 dis)
Liug e temps da publicaziun:	Canzlia communal Sumvitg, duront il temps official da spurtegl
Recuors da planisaziun/protestas:	Persunas cun in interess dign da vegnir schurmegiadas dalla decisiun enviars la planisaziun ni ch'ei legitimadas segnend il dretg federal san inoltrar enteifer 30 dis suenter questa publicaziun in recuors viers la planisaziun locala a scret alla Regenza dil Cantun Grischun.
Organisaziuns digl ambient:	Organisaziuns per gl'ambient fan valer lur dretg da recuors segnend art. 104 alinea 2 LPTGR, vul dir, ellas annunzian lur participaziun vid il proceder enteifer il temps da recuors agl uffeci cantunal per il svilup dil territori ed inoltreschan silsuenter ina eventuala posiziun

Sumvitg, 24-05-2019

Suprastonza communal

Avis dall'administraziun communal

Sur Anceinza resta l'administraziun communal serrada naven da **mesjamna, ils 29 da matg 2019 allas 17.00 uras entochen gliendisdis ils 3 da zercladur 2019 allas 08.00 uras**. Bien engraziament per Vossa capientscha.

Sumvitg, 24-05-2019

Administraziun communal

Temps da vacanzas

Examinaziun dils documents da viadi

En paucas jamnas entscheiva il temps da vacanzas. Persunas che visetan tiaras digl exterior ein supplicadas d'examinar a dretg temps lur documents da viadi. Per l'emissiun dils documents sto vegnir quintau cun entochen 15 dis da spetga. Perquei supplichein nus da preparar las vacanzas a dretg temps.

Sumvitg, 24-05-2019

Administraziun communal

Corporaziun d'alps Sumvitg

Fiasta d'inauguraziun dalla tegia da Val Tenigia

El decuors digl atun vargau ha la vischnaunca spazzau la tegia da Val Tenigia tochen sils mirs e baghegiu si ina tegia nova. Momentan ein las fatschentas vidlunder da far las davosas lavurs aschia che la tegia nova sa vegnir surdada il davos da matg alla corporaziun d'alps Sumvitg. La tegia survescha als pasturs da Rentiert e dalla Greina duront il temps ch'ei gaudan las pastiras giu funs la val. Avon ch'els prendan dimora en tegia nova vulein nus dalla corporaziun d'alps Sumvitg bugen dar caschun allas vischinas ed als vischins da prender investa dil niev baghetg. Nus lein cumbinar quei cun ina messa e benedicziun dalla tegia e silsunter ina fiasta alpestra.

La fiasta d'inauguraziun ha liug **d'Anceinza, ils 30 da matg 2019**. La fiasta entscheiva allas 10.00. Allas 11.00 ha liug la messa e benedicziun dalla tegia entras nies plevon sur Saji. Sunter la benedicziun porscha la corporaziun d'alps Sumvitg in menaschi d'ustria. Ei fagess a nus grond plascher d'astgar beneventar Vus quei di en Val Tenigia. Cun quella caschun vulein nus purs engraziar grondamein a Vus per la promptadad d'adina puspei d'investar en nossas alps.

Sumvitg, 24-05-2019

Corporaziun d'alps Sumvitg

Sanaziun mir santeri Sumvitg

En connex culla sanaziun dil mir santeri a Sumvitg sto il passapei denter la casa nr. 83 (Via Sursilvana 29, Astrid Duff) e la scala che meina giu Fontauna Sut vegnir serraus per tuts pedunzs. Ils pedunzs san duront quei temps duvran las vias da Fontauna Sut ni da Sum il Vitg ni il vial sin baselgia e tras il santeri. Las lavurs cuozzan prevedentamein entochen miez november. Ils 12 da fenadur entochen ils 19 d'uost vegnan las lavurs muort las vacanzas da stad interruttas. Duront quei temps ei il passapei aviarts pils pedunzs. Per ulteriuras informaziuns stat il biro Deplazes (081 943 25 60) bugen a disposiziun.

Sumvitg, 24-05-2019

Departament traffic

Gruppa da teater Sumvitg

Invitaziun alla radunonza, venderdis, ils 24 da matg 2019, allas 19.30, en l'ustria «Greina» a Rabius

Tractandas:

1. Beinvegni
2. Appel
3. Elecziun da dus dumbravuschs
4. Protocol dalla davosa radunonza generala
5. Rapport dil president
6. Rendaquen
7. Elecziuns
8. Program da lavur
9. Orientaziuns
10. Varia

Novas commembras e novs commembers ein cordialmein beinvegni alla radunonza.

Societad da tir Vial Sumvitg

Uonn organisescha la societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/-as ni amitgs dil sport da tir da separticipar al tir campester ch'ei gratuits. Medemamein ei era la garda campestra uonn puspei part dil tir. Els entscheiven cun il marsch tradiziunal naven da Sumvitg entochen Plaun Petschen, e quei la sonda. Ei legrass nus zun fetg d'astgar beneventar Vus in da quels dis cheu tier nus a Plaun Petschen. Per il beinstar corporal sco era per in suttetg ei era garantiu.

Il tir ha liug **venderdis, ils 24 da matg**, dallas 18.00–20.00 e **sonda, ils 25 da matg**, dallas 14.00–18.00. Il tir Societad da tir Vial Sumvitg Uonn organisescha la societad da tir Vial Sumvitg puspei il tir campester. Ord quei motiv envida la societad l'entira populaziun dalla vischnaunca sco ulteriurs tiradurs/-as ni amitgs dil sport da tir da separticipar al tir campester ch'ei gratuits. Medemamein ei era la garda campestra uonn puspei part dil tir. Els entscheiven cun il marsch tradiziunal naven da Sumvitg entochen Plaun Petschen, e quei la sonda. Ei legrass nus zun fetg d'astgar beneventar Vus in da quels dis cheu tier nus a Plaun Petschen. Per il beinstar corporal sco era per in suttetg ei era garantiu. Il tir ha liug **venderdis, ils 24 da matg**, dallas 18.00– 20.00 e **sonda, ils 25 da matg**, dallas 14.00–18.00. Il tir campester preliminar ha liug venderdis, ils 17 da matg, dallas 18.00–20.00, medemamein a Plaun Petschen. Cordialmein envida la *Societad da tir Vial Sumvitg*

Tir obligatori 2019

La societad da tir Vial Sumvitg envida al tir obligatori ils suandonts termins:

Anceinza, ils 30 da matg 2019, dallas 17.00–20.00

Dumengia, ils 25 d'uost 2019, dallas 15.00–17.30

Adatg! Tiradurs obligai ston presentar il camond da tir sco era il cudisch da sittar resp. il carnet da prestaziun. Quei tir sa sulettamein vegnir sittaus quels dus dis. A tuts in bien siet gia ordavon e sin seveser a Plaun Petschen. *Societad da tir Vial Sumvitg*

Uniun Archiv cultural Sumvitg - excursiun culturala a Vrin

L'uniun Archiv cultural Sumvitg envida commembras e commembers e tut tgi che ha interess ad in'excursiun culturala a Vrin cun Gion Antoni Caminada. Igl enconuschent architect muossa siu vitg nativ e denter auter era la stiva da morts, la mazlaria e la cabina da telefon. Ina excursiun che porscha per mintgin enzatgei, en special als interessai dall'architectura.

Datum: **sonda, ils 15 da zercladur 2019**

Partenza: allas 13.00 naven dil plaz scola a Sumvitg cun bus (vegn organisau)

Retuorn: ca. allas 18.00

Annunzias: tochen sil pli tard ils 10 da zercladur 2019 a Walter Deplazes (081 943 25 60, info@deplazes.ch)

Suenter l'excursiun purschin nus in pign refrestg a Vrin. Tut ils cuosts surpren l'Uniun Archiv cultural Sumvitg.

La medema excursiun vegn era organisada per nos amitgs dil Forum Cultural Tujetsch e dalla Fundaziun Cuntrada Cultivada Val Medel.

Cordialmein envida l'Uniun Archiv cultural Sumvitg.

Sumvitg, 24-05-2019

Uniun Archiv cultural Sumvitg

Uniun samaritana Sumvitg-Trun

Nies proxim exercezi sespleiga sco exercezi regional a Lumbrein oz **venderdis, ils 24 da matg 2019** allas 19.30. Las informaziuns haveis vus gia retschiert. Nus serimnein allas 18.30 sil plaz avon il center communal a Trun. Nus selegrein sin ina stedia participaziun. *La suprastonza*

Beach Sport Plaun Petschen, Cumpadials

Volley Kids

Il club organisescha trenaments da ballareit sil sablun per affons da 10–16 onns, mintgamai la gievgia 17.30– 18.45, entschatta ils **6-6-2019**. Informaziuns detagliadas e formular d'annunzia: www.plaunpetschen.ch ni lucas.tuor@icloud.com, tel. 079 759 32 22.

Ballareit per in e scadin

Mintgamai la gievgia sera naven dallas 19.00 dein nus ballareit a Plaun Petschen. Tut tgi che ha interess e plascher dil sport da ballareit sa separticipar.

Uniun da dunnas Sumvitg/Cumpadials

Ina sera mo per nus...

Quella ha liug uonn **venderdis, ils 7 da zercladur 2019**. Nus s'entupein allas 18.30 sil plaz Lombris e carrein cun autos privats entochen Dardin. Naven da leu fagein nus ina spassegiada entochen Schlans e gudin ina tscheina comunabla ell'ustria «Chispàcius». Tgi che vul ni sa buca guder la spassegiada (ca. 50 min.), astga secapescha carrar directamein a Schlans. Bugen prendel jeu encunter tia annunzia entochen gliendisdis, ils 3 da zercladur 2019. Anita 081 943 26 89 ni 079 538 13 24

Preavis:

Viadi d'atun: **sonda, ils 21 da settember 2019**. Detagls ed annunzia suondan pli tard. Fagei aschi bien e reservei quei datum.

Uniun sportiva Rabius

Cuors per carrar cun e-bike

L'uniun sportiva Rabius organisescha in cuors per carrar, drizzar en, sigertad e tecnica cun e-bike.

Menader dil cuors: Daniel Duff, Rabius

Cuntegn dil cuors

- emprendre d'enconuscher tiu e-bike
- drizzar en igl e-bike
- posiziun sigl e-bike
- tips da sigertad, material, secuntener sin via e differents prighels
- tecnica da frenar e da far carauns
- ir ensi ed engiu
- ballontscha sil velo
- ir sur pigns obstachels
- pintga tura cun e-bike

Cuoz: duas lecziuns à duas uras

Termins: **naven dils 10-6-2019, mintgamai il gliendisdis ni mardis**

Uras: ca. allas 18.30

Envidai ein vischins dalla vischnaunca da Sumvitg. Per damondas ni annunzias saveis scriver in mail sin usrabius@bluewin.ch ni telefonar 079 273 63 10. Cordiala invitaziun, *suprastonza usrabius*

Cuminonza Pro S. Benedetg, Clavadi e contuorn

Di da lavur 2019/Arbeitstag 2019

Sonda, ils 25 da matg 2019/Samstag, 25. Mai 2019

Ils responsabels/Die Verantwortlichen

Vitus Bass, Tel. 079 459 57 83

per lavurs a S. Benedetg e contuorn/für Arbeiten in S. Benedetg und Umgebung

Toni Orlik, Tel. 081 943 11 18 per lavurs sil Chic Surselva/für Arbeiten auf dem Chic Surselva

Pauli Bass, Tel. 081 943 19 25 per lavurs a Clavadi/für Arbeiten in Clavadi

Rimnada: S. Benedetg: plaun da crusch

Clavadi: plaz resgia

Treffen: S. Benedetg: Plaun da crusch

Clavadi: plaz resgia

Project: Lavurs sil Chic Surselva, vid vias d'alp, trutgs eav./Projekt: Arbeiten auf dem Chic Surselva, an Waldwegen, Wanderwegen usw.

Indicaziuns che valan per tuts/Angaben gültig für alle

Temps da lavur: 9.00–13.00

Arbeitszeit: 9 bis 13 Uhr

uaffens: Mintgin/a pren in uaffen sco avon maun cun el/ella. (Uaffens preferi ein ristials e forschs da caglias, pétgs, zappuns e palas.)

Werkzeuge: Jede/r nimmt je ein Werkzeug wie vorhanden mit. (Bevorzugte Werkzeuge sind Rechen, Staudenscheren, Hacken, Pickel und Schaufeln usw.)

Gentar communabel ell'ustria «Miraval»: Rauba da grillar e bubrondas offerescha l'uniun.

Gemeinsames Mittagessen im Rest. «Miraval»: Grillgut und Getränke werden von der

Gemeinschaft offeriert. Segirada e vons ein caussa da mintgin/a. Versicherung und

Schutzmittel ist Sache der Teilnehmer. Sin stedia participaziun selegran *ils responsabels*

poly.kids

-> Anmeldung siehe Gemeinde Ilanz/Glion